

- A. Yog nkawm niam txiv twg ua neej tsis tsheej haj, tsis haum xeeb, ua tsis taus neej ua ke, tab sis nkawv, tus niam los sis tus txiv, ho tsis yuav kwv tij neej tsa thiab H18C hais, tsis taug Hmoob txoj kev txoj cai, tus niam los sis tus txiv ho cia li mus nrauj nkawv kev txij nkawm nram mab nram suav (Court) xwb, tom qab plaub ntug tuaj, niam txiv neej nug ob tog thiab H18C yuav tsis nrog nkawm daws. Plaub ntug pib ntawm leej twg, nkawv yuav tau rov mus cuag tus ntawd thiaj yuav daws tau nkaw li teeb mem.
- B. Hnub tsis ntev hmo tsis ntau, yog tus niam ho tag lub neej txoj sia (Tuag), tus txiv yuav tsis muaj cai los thaj tsob (Pam) lawm. Niam txiv neej nus yuav tau thaj tsob.
- C. Yog tus txiv ho tag sim neej txoj sia (Tuag) los, tus niam yuav tsis muaj cai los thaj tsob (Pam). Niam txiv kwv tij yuav tau thaj tsob (*Amended 08/01/2019*).

TSHOOJ VI – FEEM I: NQI TSHOOB NQI KOS
(Poj nrauj)

Raws li Hmoob 18 Xeem tau tshawb fawb pom tau hais tias txoj kab tshoob kev kos ntawm cov poj nrauj mas muaj kev cov nyom ntau yam vim tsoom thawj coj tsis tau los muab lub txhooj tshoob poj nrauj no los teeb ua ib lub txhooj kom ruaj cag rau Hmoob coj. Yog li, Hmoob 18 Xeem thiaj pom zoo muab lub txhooj tshoob poj nrauj no teeb tseg rau Hmoob siv raws lis nram no:

- A. Txawm yog nqi tshoob nqi kos xuam tag nrho rau tus ntxhais thiab tsis xuam los, niam txiv tog ntxhais tsuas muaj cai sau nqi tshoob raws lis tus ntxhais ntawd lub hnub nyoog tam sim ntawd xwb. Yuav tsis hais txog tub ki muaj pes tsawg leej lawm raws li tau teeb tseg nram qab no:

<u>Hnub Nyoog</u>	<u>Nqi Tshoob</u>
A. Yog tus ntxhais muaj 18 – 35 xyoos	\$2500.00
B. Yog tus ntxhais muaj 36 – 55 xyoos	\$1500.00
C. Yog tus ntxhais muaj 56 – rov sauv	\$1000.00

(Amended 08/01/2019)

TSHOOJ VI – FEEM II TSHOOB POJ NRAUJ TXOJ CAI

Txoj cai ntawm tshoob poj nrauj, Hmoob 18 Xeem tau pom zoo raws lis nram no:

- A. Nraug vauv yuav tsum tau npaj ib plus mov ua kev zeem neej zeem tsav, tis ntsuab tis ze rau niam txiv neej nus noj.
- B. Niam txiv neej nus tsis muaj cai sau khaub tshos, cob txheeb, yaj ncos, poj tsiag zov kwv, qhwv niam laus hauv caug, nyiaj siav siv, nyiaj qhaib tshoob thiab nyiaj cheb rooj lawm.
- C. Yog thaum sib nrauj, tus txiv tau thim lub ncauj tsiag rov qab rau niam tais yawm txiv lawm, niam tais yawm txiv yuav tau phij cuam lub ncauj tsiag dua rau tus ntxhais tus vauv coj mus chiv peev ua neej dua.

TSHOOJ VI – FEEM 1: TSHOOB POJ NTSUAM TXOJ CAI

Tiam tub tshoob tub kos ntawm tshoob poj nrauj raws li nram no:

- | | |
|--------------------------------|----------|
| A. Tiam tus niam nug txiv nug | \$100.00 |
| B. Tiam tus pe qhua (Phij laj) | \$60.00 |

(Amended 08/01/2019)